



Mag. St. Dr.



~~36029-36030~~

I

I

X. l. 188.

noli facere que prae
noli eredi deus que quid
noli contrariis que rias
noli deus que scis

~~2. L. ...~~
~~... 178~~
~~...~~
... 178 ...
... 178 ...
... 178 ...

119.

19. V. 119

Adams Mount. Green in S. J.



OFFICIUM

QVINDECIM

Graduum,

PASSIONIS CHRISTI,

Et Compassionis B. V.

MARIAE.

COLLECTVM,

A Rmo Patre, Philippo Gesualdo,
 Generali Minorum Conuentualium;
 & à Mart. SZyscouio C. C. Auctoritate
 Illustriss. Principis Cardinalis Radziuil,
 Antistitis optimi, in Congregationem
 Compassionis Christi, & pœnitentiũ Cra-
 couie erectæ, introductum. 1595.



A



36.030

I

OFFICIUM
QUINDECIM
Graduum,
PASSIONIS CHRISTI
Et
Compassionis Beatæ
Marię virginis.

CONGREGATI Fratres in
Oratorio, accensis duabus can-
delis, & in Altari iuxta Cruci-
fixum positis, dato signo à Rectore, &
dicto Pater noster, & Ave Maria, Præ-
fectus Congregationis, genu flexo ad gra-
dus Altaris, dicet.

FRatres, præparate corda

A 2

vestra

vestra Domino: consciē-
tias vestras sollicitē discuti-
tendo, peccata cōmissa,
cum lachrymis recogitan-
do: humiliq; contritione
veniam à Domino peten-
do, spiritum ab omnibus
mundi curis segregatum,
pura intentione, ad Domi-
num dirigendo. Per Chri-
stum Dominum nostrum.
Resp. Amen.

Faciendum est examen conscientie cum
discursu mentali: & dato postea signo à
Rectore, Prefectus Cōgregationis dicet.

O R E M V S

Dulci-

Dulcissime & piissime
Domine Iesu Christe, qui
vulneratus es propter ini-
quitates nostras, attritus es
propter scelera nostra, vt
amarissimæ passionis tuæ
liuore sanaremur: præsta
nobis famulatus tuis, æte Ma-
iestatem tuam prostratis,
humiliter veniam petenti-
bus, peccatorum omnium
quæ perpetrauimus, remi-
ssionem. Imprime cordi-
bus nostris tuæ sanctissi-
mæ Passionis memoriam,

A 3

vt eam

ut eam præ oculis, die, noctuq; semper habeamus, & compatiendo & patiendo efficaciter imitemur, quatenus doloris tui participes, etiam cœlestis consolationis, possimus esse cōsortes. Qui viuis & regnas in sæcula sæculorum. Am.

¶ Inita Oratione accendentur alie candelæ, & duo ex fratribus, genibus flexis ante Altare, dicant uersiculum quindecim graduum. Cœteri uerò fratres genibus flexis dicāt Responso: Misere nostri, &c. percutiendo pectus. Et post quēlibet Gradum fiat aliquantulum Meditatio supra punctum propositum in uersiculo, aut dicatur Pater noster, & Ave Maria.

Gradus

I. Gradus.

Y. IESV dulcissime, in horto mœstus: Patrem orans, & in agonia positus, sanguinem sudorem effundens. Misere nobis.

R. Misere nostri Domine. Misere nostri.

Pater noster. &c.

Ave Maria. &c.

A 4

Gra-

II. Gradus.

Ψ. IESV dulcissime, osculo traditoris, in manus impiorum traditus, & tanquā latro captus, & ligatus, & à Discipulis omnibus derelictus. Misere nobis.

R. Misere no. Domine, Misere nostri.

Pater noster. &c.

Aue Maria. &c

III. Gra-

III. Gradus.

Ψ. IESV dulcissime, vinculis alligatus, sicut agnus innocens ad victimam ductus; & in conspectu Annæ, alapa percussus. Misere nobis.

R. Misere nostri Domine, Misere, &c.

Pater noster. &c.

Aue Maria. &c.

A 5

III. Gra-

IIII. Gradus.

Ψ. IESV dulcissime, ad Caipham ductus, noctē insomnem in opprobriis agēs, alapis & sputis, facie deturpatus, & benigno oculo Petrū repficiēs. Miserere nobis

R. Miserere nostri Domine. Miserere nostri

Pater noster. &c.

Aue Maria &c.

v. Gra.

V. Gradus.

Ψ. IESV dulcissime ab impio Iudeorum cōcilio, reus mortis acclamatus, ad Pilatum tāquā male factor ductus, & ab iniquo Herodes pretus & delusus. Miserere nobis.

R. Miserere nostri Domine, Miserere. &c.

Pater noster. &c.

Aue Maria &c.

Gra.

VI. Gradus.

ψ IESV dulcissime, vestibus denudatus, & in colūna crudelissimè flagellatus. Miserere nobis.

R. Miserere no. Domine Miserere nostri.

Pater noster. &c.

Aue Maria &c.

VII. Gra-

VII. Gradus.

ψ. IESV dulcissime, spinis coronatus, colaphis cæsus, arūidine percussus, facie velatus, veste purpurea indutus, multipliciter derisus, & opprobriis saturatus. Miserere nobis.

R. Miserere n. &c.

Pater noster. &c.

Aue Maria. &c.

VIII. Gra-

VIII. Gradus.

Ψ. IESV dulcissime
 Latroni Barrabæ postpo-
 situs, à Iudæis reprobatus,
 & ad mortem crucis iniuste condēnatus.
 Miserere nobis.

R. Miserere nostri
 Domine. Miserere nostri

Pater noster. &c.
 Ave Maria. &c.

 Gra

IX. Gradus.

Ψ. IESV dulcissime
 ligno crucis oneratus,
 & ad locum supplicii, sicut
 ovis ad occisionem ductus.
 Miserere nobis.

R. Miserere nostri
 Domine, Miserere nostri

Pater noster. &c.
 Ave Maria. &c.

 Gra.

X. Gradus.

Ψ. IESV dulcissime,
clavis cruci affixus, pedi-
bus & manibus concla-
uatus, & præciosum sā-
guinem effundens. Mi-
serere nobis.

R̃. Miserere nostri
Domine, Miserere nostri

Pater noster. &c.
Aue Maria. &c.

 xi. Gra

XI. Gradus.

Ψ. IESV dulcissime,
inter latrones deputatus
blasphematus, & derisus
felle & aceto potatus,
& horribilibus tormētis,
ab hora sexta, vſq; ad ho-
ram nonam, in ligno
cruciatus, Miserere nō.

R̃. Miserere nostri. &c
Pater noster. &c,
Aue Maria. &.

 B. xii Gra

XII. Gradus.

Ps. IESV dulcissime,
hora nona, cum clamore
valido, & dulcissimis
lachrymis, te ipsum pro
nobis patri offerens, ca-
pite inclinato spiritū e-
mittens. Miserere nobis.

R. Miserere nostri
Domine, Miserere nostri

Pater noster. &c.

Aue Maria. &c.

Gra-

XIII. Gradus.

Ps. IESV dulcissime,
in patibulo crucis mor-
tuus, & coram tua bene-
dicta matre, lancea per-
foratus, simul aquam &
sanguinē emittēs. Mise-
rere nobis.

R. Miserere nostri
Domine, Miserere no-

Pater noster. &c.

Aue Maria. &c.

B 2

1 Gra-

XIV. Gradus.

Ψ. IESV dulcissime,
à cruce depositus, & la-
chrymis mœstissimæ vir-
ginis matris tuæ perfu-
sus. Miserere nobis.

R. Miserere nostri Do-
mine, Miserere nostri,

Pater noster. &c.

Aue Maria. &c.

xv. Gra-

XV. Gradus.

Ψ. IESV dulcissime,
plagis circūdatus, quin-
que vulneribus signatus,
aromatibus cōditus, &
in sepulchro repositus.
Miserere nobis.

R. Miserere no. Do-
mine, Miserere nostri.

Pater noster. &c.

Aue Maria. &c.

B 3 His fi-

His finitis, sermo fiat brevis, & compunctius, aut de passione Christi, accipiendo pro subiecto materiam aliquā ex predictis Gradibus, aut de quatuor nouissimis, applicando semper sermonē ad passionem SALVATORIS nostri. Quo finito, omnes genua flectant, Præfatus uerò congregationis ante altare dicet.

Fratres, sit ante oculos cordis vestri amarissimus ille martyrii, & passionis Domini nostri **I E S V C H R I S T I** dies, quando sol obscuratus est, & tenebræ factæ sunt super vniuersam

terram

terram, ab hora sexta, usque ad horā nonam. Et de profundis tenebrarum, cum fletu, & planctu, clamate ad Dominum, & miserebitur vestri: quia benignus & misericors est, & non vult mortem peccatoris: sed ut cōuertatur & viuat. Per eundem Christum Dominum nostrū. Ref. Am.

Dum Lector dicit hæc uerba, Sacristiani extinguunt omnia luminaria excepto eo, quod in lucerna continebitur, quod ibi antequam inceptum fuerit officium imponatur.

Præfe-

P *Ræfectus Congregationis ter lento gradu proferendo uerba, & semper eleuando uocem, dicit sequentem Versum & toties chorus idem faciet percutiendo pectus, circa hæc uerba: Miserere nobis.*

Verf. Sanctus Deus, Sanctus fortis, Sanctus & immortalis, Miserere nobis.

P *Ræfectus Congregationis dicit.*

F Ratres, apprehēdite disciplinam, ne quando irascatur Dominus, quòd carnem uestram exemplo unigeniti filii sui non mortificaueritis. Recolite quæso

flagella

flagella & cruciatus, quæ pro nobis dulcissimus Rex noster **CHRISTVS** sustinuit: eiusq; amore, animas uestras coram Deo libenter humiliare. Per eundē Christū Dominum nostrū. Resp. Amen.

CHRISTVS humiliavit semetipsū, factus pro nobis obediens, usq; ad mortem, mortem autē crucis.

O stenditur deinde Crucifixus in lucerna, & Fratres disciplinam facient, prout Dominus illis inspirauerit. Duo

C

verò

uero ex fratribus alternatim uoce alta
 & mœsta dicant Psalmum, Misere
 mei Deus, &c. Et finito psalmo, iudem
 duo fratres dicant Versum, A peste &c.
 ter alternatim & gradatim, proferendo
 uerba eleuent uocem.

Misere mei Deus: secundum
 magnam misericordiam tuam.
 Et secundum multitudinem miserationum
 tuarum: dele iniquitatem meam.
 Amplius laua me ab iniquitate
 mea: & a peccato meo munda me.
 Quoniam iniquitatem meam ego cognosco:
 & peccatum meum contra me est semper.
 Tibi soli peccaui, & malum coram
 te feci: ut iustificeris in sermonibus
 tuis, & vincas cum iudicaris.
 Ecce enim in iniquitatibus conceptus
 sum: & in peccatis concepit me mater
 mea. Ecce enim veritatem dilexisti:
 incerta & occulta sapientie tue
 manifestasti mihi. Asperges me domine
 hyssopo & mundabor: lauabis me,

& super

& super niuem dealabor. Auditui meo
 dabis gaudium & latitiam: & exultabunt
 ossa humiliata. Averte faciem
 tuam a peccatis meis: & omnes iniquitates
 meas dele. Cor mundum crea in me
 Deus: & spiritum rectum innoua in
 visceribus meis. Ne proicias me a
 facie tua: & spiritum sanctum tuum
 ne auferas a me. Redde mihi
 lætitiā salutaris tui: & spiritu
 principali confirma me. Docebo iniquos
 vias tuas: & impii ad te conuertentur.
 Libera me de sanguinibus Deus,
 Deus salutis meæ: & exultabit lingua
 mea iustitiam tuam. Domine labia
 mea aperies: & os meum annuntiabit
 laudem tuam. Quoniam si voluisses
 sacrificium, dedissem utique: holocaustis
 non delectaberis. Sacrificium
 Deo spiritus contribulatus: cor contritum
 & humiliatum Deus non despicies.
 Benigne fac Domine in bona
 voluntate tua Sion, ut ædificentur muri
 Ierusalem. Tunc acceptabis sacrificium
 iustitiæ, oblationes & holocausta,

C 2

tunc

tunc imponent super altare tuum vitulos. Gloria Patri, & Filio, &c.

Ver. A peste, fame, & bello. Resp. libera nos D.

Facto aliquantulum silentio dicat.

CHRIſTUS factus est pro nobis obediens, vsque ad mortem, mortem autem crucis.

Prefatus Congregationis Orationem sequentem dicat.

Respice quesumus Domine super hanc familiam tuam, pro qua Dominus

noster

noster IESVS CHRISTVS non dubitauit manibus tradidit nocentiũ, & crucis subire tormẽtũ. Qui tecũ &c.

Ostenditur deinde imago Pietatis in lucerna, & dicat unus ex Fratribus Placitum Marię Virginis cum uoce demissa, & mesta.

STabat mater dolorosa,
Iuxta crucẽ lachrymosa,
Dum pendebat filius.
Cuius animam gemẽtem,
Contristatẽ & dolẽtem,
Pertransiuit gladius.
O quam tristis & afflicta,
Fuit illa benedicta,

C 3 Mater

Mater vnigeniti.
 Quæ mœrebat & dolebat,
 Et tremebat, cū videbat
 Nati poenas inclyti.
 Quis ē hōo, qui nō fleret,
 Christi matrē si videret,
 In tanto supplicio.
 Quis nō posset cōtristari,
 Piā matrem contēplari,
 Dolentem cum filio?
 Pro peccatis suæ genris,
 Vidit Iesum in tormētis
 Et flagellis subditum.
 Vidit suum dulcem natū,
 Morientem desolatum,
 Dum emisit spiritum.

Deinde

Deinde abscondatur imago pietatis,
 & facto aliquantulum silentio, Prefectus
 congregationis dicat sequentes versicu-
 los, gradatim dicendo, & eleuādo uocē.

Ver. Dominus illumina-
 tio mea.

Res. Et salus mea, quem
 timebo?

Ver. Quoniam tu illumi-
 nas lucernā meā Domine.

Res. Deus meus illumina
 tenebras meas.

Ver. Ostende nobis Do-
 mine misericordiam tuā.

Res. Et salutare tuum da
 nobis.

C 4

Vers.

Ver. Domine Deus virtutum conuerte nos.

Ref. Ostende faciem tuā,
& salui erimus.

Ver. Deus misereatur nostri & benedicat nobis.

Ref. Illuminet vultum suum super nos, & misereatur nostri.

Ostenditur postea Veronica SALVATORIS nostri in lucerna, Et unus ex fratribus dicit uel canet lamentabili uoce infra scriptam salutationem, quæ poterit intermitteri propter angustiam temporis

SALUTATIO

Salue tremendum cūctis

pote-

potestatibus caput Domini IESV CHRISTI Saluatoris nostri, pro nobis spinis coronatum, & arundine percussum.

Salue speciosissima Saluatoris nostri IESV CHRISTI facies, pro nobis spinis & alapis cæsa.

Saluete benignissimi Domini IESV Christi Saluatoris nostri Oculi, pro nobis lachrymis perfusi.

Salue mellifluum os, guturq; suauissimum Domini nostri IESV CHRI-

C 5

sti

STI pro nobis felle & acetato potatum.

Saluete aures nobilissimæ Domini IESV CHRISTI Saluatoris nostri, pro nobis contumeliis & opprobriis affectæ.

*Elmita Salutatione, Præfatus
Congregationis dicet.*

Ver. Ecce Deus Saluator meus.

Ref. Fiducialiter agam, & non timebo.

Ver. Protector noster aspice Deus.

Resp.

Ref. Et respice in faciem Christi tui.

Ver. Fiar misericordia tua Domine super nos.

Ref. Quemadmodum sperauimus in te.

¶. In te Domine speraui.

Ref. Non confundar in æternum.

*Hic fiat aliquantulum silentium. Postea
Præfatus Congregationis proponat eos,
uel ea negotia, pro quibus uult ut fratres
tota hebdomada orēt: sed in primis dicet.*

Orate fratres

P. O ANTISTITE nostro.

P. O REGE.

P. O filio regis WLADISLAO

Qui

Qui eo die natus quo congregatio hæc
Cracouiæ institui & fundari cœpit: &
fratribus celebrari solet.

Ver. Nunc dimittis seruū
tuum Domine.

Ref. Secundum verbum
tuū in pace.

Ver. Quia viderunt oculi
mei. Ref. Salutare tuū.

Ver. Quod parasti ante fa-
ciem omnium populorū.

TAndem ostenditur lumen, & accen-
dētur omnes cādele: & Præfectus dicat.

Ver. Lumen ad reuelatio-
nem gentium, & gloriam
plebis tuæ Israel.

Verf.

Ver. Gloria Patri, &c

Ref. Sicut erat in prin, &c

Kyr. eley. Chr el. Kyr. el.

Pater noster, &c

Ver. Et ne nos inducas in
tentationem.

Ref. Sed libera nos á malo

Ver. Domine exaudi ora-
tionem meam.

Ref. Et clamor meus ad te
veniat.

Ver. Dominus vobiscū.

Ref. Et cū spiritu tuo:

OMnes genibus flexis unā cū Præ-
fetto Congregationis ante Altare ad pe-
des Crucifixi, posito in ultimo Altaris
gradu, dicat Orationem sequentem.

Oremus

Oremus.

DVlcissime, & piissime
Domine IESV CHRISTE, qui
pro redemptione mundi
voluisti in horto moesti-
tia & agonia affici, san-
guineo sudore rigari, tra-
ditoris osculo tradi, vin-
culis alligari, sicut agnus
innocēs ad victimā duci,
in conspectu Annæ ala-
pæ percuti, in domo Cai-
phæ, à Petro negari, & op-
probriis vexari, à Iudæo-
rum concilio reus mor-

tis

tis acclamari, corā Pila-
to falsis testibus accusari,
ab Herode sperni, vesti-
bus exui, in columna fla-
gellari, spinis coronari,
colaphis cædi, arundine
percuti, facie velari, veste
purpurea indui, multipli-
citer derideri, opprobriis
saturari, à Iudæis reproba-
ri, ad mortē crucis condē-
nari, ligno supplicii one-
rari, tanquam ovis ad oc-
cisionem duci, cruci cla-
uis affigi, in crucē leuari,
inter latrones deputari,

felle

felle & aceto potari, tribus horis in patibulo cruciari, hora nona mori, lancea vulnerari, á cruce deponi, lachrymis sanctissimæ genitricis tuæ perfundi, aromatibus vngi, & in sepulchro custodiri. Tu domine per hanc sanctissimam passionem, & mortem tuam, quã nos indigni peccatores recolimus, exaudire digneris preces nostras, quas pro nostra vel aliorum salute hodie, & quotidie, ante conspectu

tux

tuæ maiestatis humiliter effuderimus. Agimus tibi gratias dulcissime IESV, pro vniuersis donis & beneficiis, quibus nos, & fratres nostros tua pietate cumulare dignatus es. Et pro nostro modulo tibi gratias reddere cupientes nos, nostraq; omnia, præsentia, & futura, obsequio sancto tuo humiliter exhibentes, suppliciter exposcimus; vt per merita viuificæ crucis & mortis tuæ, corda, desideria, actus, &

D

volun-

voluntates nostras, ad perfectam obedientiam celestium mandatorum, & diuinæ voluntatis tuæ efficaciter inflāmare, opportuneq; fouere, & vsque in finem protegere digneris. Mane Domine IESV nobiscum semper, vt tecum tibi omnibus diebus vitæ nostræ fideliter seruiamus perseueranter placeamus, & demum tua charitate firmati, & bonis operibus adhærentes, illuc á te feliciter perducamur, quò la-

tronem

tronem tecum crucifixum perduxisti. Intercedente Beata Virgine Maria matre tua, cuius sanctissimā animam in hora tuę passionis doloris gladius pertransiuit. Intercedēte Beato Francisco Confessore tuo, in cuius carne prærogatiua mirabili passionis tuę sacra stigmata renouasti. Intercedēte Beato Antonio Confessore tuo, qui crucis mortificationē iugiter in suo corpore, pro tui nominis honore por-

D 2

tauit

tauit. Qui viuis, & regnas
in secula seculorum. Ref.
Amen.

*Surgens Presectus & stans, dicat O-
rationem sequentem.*

Oremus.

Visita, quæsumus Do-
mine, Mūdum hūc, quem
verbo tuo mirabiliter cre-
asti, & verbi incarnati pas-
sione misericorditer re-
creasti: & eiusdem vnige-
niti filii tui passione inter-
cedente, Ecclesiam tuam
sanctam rege, gubernā, &

exalta

exalta, eius Pastorem cu-
stodi, gregem suum de-
fende, Principes Christi-
anos concordēs effice, fe-
ritatem inimicorum san-
ctæ fidei comprime, bap-
tizatos milites victores
redde, bella debella, &
pacem tuam nostris con-
cede temporibus: vt fi-
deliter tibi omnes gradus
deseruiant: purgentur er-
rores, evellantur hæreses,
dissipentur idolatriæ, cō-
uertantur peccatores, per-
seuerent vsque in finē iu-

D 3

sti fla-

sti: flagella iræ tuæ, quæ
pro peccatis nostris merē-
mur, auerte: cunctis Chri-
stianis uiuis & defunctis,
pro quibus preces effun-
dere teneremur, vel decre-
uimus, tua pietate succur-
ras, uiuis vniuersis sem-
piterna bona retribuas, &
omnibus fidelibus defū-
ctis, requiem æternam cō-
cedas. Per eundem Chri-
stum Dominum nostrum
Ref. Amen.

*Omnes genibus flexis, & inclinato
capite usque ad terram, dicant: Adora-*

mus

*mus te, Christe, &c. Et postea accedant
fratres bini & bini cum magna deuotio-
ne, ad oscula pedum Crucifixi positi in
ultimo gradu Altaris, circumdati quinque
angelis accensis: & dum fiet adoratio
Crucifixi, dicatur sequentia: Virgo uir-
ginum Maria, &c.*

ADoramus te D O M I N E
I E S U C H R I S T E, & benedici-
mus tibi, quia per sanctā
crucem & passionem tuā
redemisti mundum.

Ref. Miserere nobis.

Ver. Tuam crucem ado-
ramus Domine, tuam glo-
riolam recolimus passio-
nē, miserere nostri, qui

passus

pafsus es pro nobis.
 Ref. Miserere nobis.

SEQUENTIA.

Virgo virginum Maria,
 Sancta mater Dei pia,
 Fons misericordiæ.

Fac vt ardeat cor meum
 In amâdo CHRISTVM
 Deum

Vt tibi complaceam.
 Sancta mater istud agas,
 Crucifixi fige plagas,
 Cordi meo validè.

Tui nati vulnerati,
 Tâ dignati pro me pati,

Pœnas

Pœnas mecû diuide,
 Fac me verè tecû flere,
 Crucifixo condolere,
 Donec ego vixero.

Iuxta crucẽ tecum stare,
 Te libenter sociare
 In planctu desidero.

Virgo virginũ præclara,
 Mihi iâ nō sis amara,
 Fac me tecû plâgere,

Fac vt portem CHRISTI
 mortem;

Passionis eius fortem
 Et plagas recolere.

Fac me plagis vulnerari,
 Crucẽ hac inebriari,

E

Ob

Ob amorem filii.

Inflammatuſ & accenſuſ,

Per te virgo ſim deſeſuſ

In die iudicii.

Fac me cruce cuſtodiri,

Morte CHRISTI præ

munri

Conſoueri gratia,

Quãdo corpus morietur,

Fac vt animæ donetur

Paradiſi gloria.

Reſ. Amen.

Finis adoratione, Præſectus Congregationis genibus flexis ad Altare dicit:

Ver. Emitte ſpiritum tuũ,

& creabuntur.

Reſ.

Reſ. Et renouabis faciem
terræ.

Ver. Veni ſancte ſpirituſ,
reple tuorũ corda fideſiũ.

Reſ. Et tui amoris in eis i-
gnem accende.

Oremuſ.

Clementiſſime Deuſ, q
hanc congregationem ad
glorificandum nomen ſã-
ctum tuum, vt vnigeniti fi-
lii tui paſſionem, ſanctiſ-
ſimæq; genitricis tuæ cõ-
paſſionem venerandam, a-
dunari voluiſti: emitte ſpi-

E 2

ritum

ritum sanctum tuum de
cælis, qui eam custodiat,
foueât, promoueat, prote
gat, visitet semper, & de
fendat. Et ne des habere
congregationem istam in
derisionē: sed ad tui glo
riam salutaribus incremē
tis ita conserues, vt in ca
stitate, puritate, charitate,
deuotione, compunctio
ne, perseuerentia, & hu
militate, tibi semper fa
muletur. Et si quid in ea
dignum laude gestum fue
rit, propitius respice: &
quod

quod negligenter actum
erit, clementer ignosce.
Qui in Trinitate perfecta
viuis & regnas in secula
seculorum. Res. Amen

*Hic fiat aliquantulum silentium dicen
do Pater noster, & Ave Maria.
Postea uerò facto signo à Rectore, qui
libet in silentio discedat ex Oratorio.*

FINIS.



OFFICIUM HOC,
singulis feriis sextis,
post horam vigesimā
secundam, in Mona-
stario S. Francisci ce-
lebrabitur.

85
Cracouiæ.

Cum gratia & Priuilegio
S. R. M.

In Officina Lazari:

1606.

CISCOINE
Cum gratia & Privilegio
R. M.
In Officina Typographica
1665

stdr0008235



Biblioteka Jagiellońska

Oddział Konserwacji
Bibl. Jag.
2008 r.

